

## UGOVOR

### O NABAVCI MOTORNOG VOZILA

#### Zaključen između:

1. **Agencije za razvoj visokog obrazovanja i osiguranje kvaliteta, Bosna i Hercegovina**, ul. Ulica akademika Jovana Surutke 13, 78 000 Banja Luka, JIB: 4402865780007, koju zastupa direktor prof. dr Enes Hašić (u daljem tekstu: Kupac) i

2. „Auto-komerc V.S.“d.o.o. Banja Luka, ul. Bulevar srpske vojske 13, 78 000 Banja Luka, ID broj /JIB: 4400952840005, kojeg zastupa direktor Aleksandar Ristić, (u daljem tekstu: Prodavac).

#### Član 1.

Nakon provedenog postupka konkurentskog zahtjeva za javnu nabavku roba, Kupac naručuje, a Prodavac se obavezuje da će, za potrebe Kupca, izvršiti isporuku putničkog motornog vozila, tipa i marke Škoda Octavia Style 2.0 TDI, prema ponudi Prodavca, broj: 120/23 od 20.07.2023. godine, koja je sastavni dio ovog Ugovora.

#### Član 2.

Prodavac se obavezuje da će robu iz člana 1. ovog Ugovora isporučiti u roku od 90 dana od dana zaključivanja ovog Ugovora na adresu Kupca, ul. Ulica akademika Jovana Surutke 13, 78 000 Banja Luka, a prema Ponudi Prodavca, broj: 120/23 od 20.07.2023. godine. Sve troškove transporta vozila na adresu Kupca na način kako to odredi Kupac snosi Prodavac.

Isporuka motornog vozila će se izvršiti između predstavnika Prodavca i Kupca koji će sačiniti i potpisati Zapisnik o njegovoj primopredaji u kome će se konstatovati i navesti sve stavke prema kojima isporučeno motorno vozilo odgovara karakteristikama iz tehničke specifikacije navedene u tenderskoj dokumentaciji.

#### Član 3.

(1) U slučaju kašnjenja u isporuci roba iz člana 1. ovog Ugovora, Prodavac plaća penale u visini od 1 % od vrijednosti robe za svaki dan kašnjenja, s tim da ukupan iznos ne može preći 10 % vrijednosti ovog Ugovora.

(2) Prodavac je obavezan platiti ugovorenu kaznu u roku od sedam dana od dana prijema zahtjeva za plaćanje od strane Kupca.

(3) Kupac i Prodavac se neće smatrati odgovornim za kašnjenje u ispunjavanju obaveza prema ovom ugovoru ako je kašnjenje uslijedilo zbog više sile.

(4) Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom nijedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju njihovih obaveza.

(5) U što skorijem roku, nakon djelovanja *više sile*, a ne duže od dva dana, Prodavac detaljno obavještava Kupca pismenim putem o djelovanju *više sile*.

#### **Član 4.**

Kupac je obavezan da Prodavcu isplati kupoprodajnu cijenu za isporučenu robu iz člana 1. ovog ugovora ukupne vrijednosti od **56.000,00 KM** (slovima: pedesetšestiljada i 00/100 KM) u koju je uračunat PDV, u roku od minimalno 15 dana od dana prijema računa po izvršenoj isporuci i primopredaji motornog vozila, na žiro račun broj: 562-099-81711091-92, otvoren kod NLB Banka a.d. Banja Luka.

Ugovorena cijena je fiksna i ne podliježe promjenama ni pod kojim uslovima.

#### **Član 5.**

Prodavac garantuje Kupcu da je isporučeno vozilo tvornički novo, u skladu sa specificiranim standardima i zahtjevima, i ima kvalitet potreban za njegovu upotrebu.

Prodavac odgovara za moguće mane u momentu isporuke i prijema robe, kao i za mane koje bi se eventualno pojavile kasnije, ako su te mane posljedica uzroka koji su postojali prije prijema istih od strane Kupca.

Prodavac odgovara za moguće mane robe ako mane Kupcu nisu bile poznate ili mu nisu morale biti poznate u trenutku prijema iste, kao i za eventualne skrivene mane.

#### **Član 6.**

Garancija Prodavca za isporučeno vozilo na motor je 5 godina od dana isporuke ili 150.000 pređenih kilometara, uz redovno održavanje u ovlaštenim servisima. Garancija na lak iznosi 3 godine od dana isporuke, a garancija na karoseriju iznosi 12 godina od dana isporuke.

#### **Član 7.**

Prodavac je obavezan da Kupcu dostavi garancije iz člana 6. ovog Ugovora i plan održavanja vozila koji uključuje troškove redovnih servisa u garantnom roku sa detaljnim podacima o načinu i uslovima servisiranja motornog vozila u garantnom roku.

#### **Član 8.**

Kupac ugovor može raskinuti jednostavno, bez saglasnosti Prodavca, s pravom na naknadu štete, ukoliko Prodavac ne bude ispunjavao ili ukoliko ne bude bio u mogućnosti ispunjavati preuzete obaveze iz ovog ugovora i uslova datih u Ponudi.

#### **Član 9.**

Ovaj Ugovor stupa na snagu kada ga potpišu obje ugovorne strane.

#### **Član 10.**

Ugovorne strane su saglasne da će sve eventualne sporove nastojati rješavati mirnim putem, u suprotnom je nadležan Sud Bosne i Hercegovine.

**Član 11.**


Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

**Član 12.**

Ovaj ugovor je sačinjen u četiri (4) istovjetna primjerka od kojih po dva (2) primjerka pripadaju svakoj ugovornoj strani.


**Za PRODAVCA:**

**Direktor  
Aleksandar Ristić**




Broj: 1168/23

Datum: 29. 08. 2023. godine



**Za KUPCA:**

**Direktora  
Prof. dr. Enes Hašić**



Broj: 06-16-5-325-14/23

Datum: 17. 08. 2023. godine

